

PM Visit

وزیر اعظم نریندر مو دی آج برطانیہ تے مالدیوس غا 4 روزہ دورہ ور روانہ ہو رہیا ہیں۔ اس دورہ غا پہلا مرحلہ مانہ وے برطانیہ جا رہیا ہیں۔ نویں دہلی مانہ میڈیا نانہ بریفنگ دیتاں واں خارجہ سیکریٹری وکرم مصری نے جانکاری دیتاں واں دسیو جے اپنا برطانیہ دورہ غے دوران وزیر اعظم مو دی اپنا برطانوی ہم منصب کیر سٹارمر سنگ گل بات کرن توں علاوہ کینگ چارلس سوم سنگ وی ملاقات کریں گا۔ چار روزہ دورہ غا دوجا مرحلہ مانہ وزیر اعظم آئیندہ جمع نانہ مالدیوس غو دورو لاویں گا۔ وے ہفتہ آلے روز مالدیوس 60 واں یوم آزادی غا موقع ور مہمان ذی وقار غا طور ور شمولیت کریں گا۔

LG Amarnath Yatra

لیفٹنٹ گورنر منوج سنہا نے کل نتوان تے چندن واڑی غا بنیا دی کیمپاں غو دورو لاغے آمرناٹھ یا تریاں تے یا تریاں نانہ خدمت مہیا کران آلا افراد سنگ ملاقات کی۔ اس موقع ور ایل جی موصوف نے یا تریاں نانہ دستیاب سہولتاں غو معائنہ کیو، تے کہیو جے لگن، جذبہ تے عزم سنگ کم کر رہیا سرکاری اہلکاراں، سیوا داراں تے اس یا ترہ مانہ شامل تمام افراد غی وجہ نال اس سال غی آمرناٹھ یا ترہ نانہ یا دگا ر بنان نانہ یقینی بنایو گیو ہے۔ واضح رہے جے بُن توڑی آمرناٹھ یا ترہ واسطے آیا یا تریاں غی تعداد 3 لکھ 35 ہزار تیں تجاوز کر چکی ہے۔ اسے دوران یا تریاں غو 21 وون قافلو آج سویرے 1 سو 18 گڈیاں ور سوار ہو غے بھگوتی نگر جموں تیں کشمیر وادی در سخت حفاظتی انتظامات بشکار روانہ ہوگیو ہے۔ یا تریاں غا اس قافلہ مانہ 2 ہزار 2 سو 86 مرد، 4 سو 61 خواتین، 8 بچہ، 80 سادھو تے 2 سادھوی شامل ہیں۔ ان وچوں 1 ہزار 36 یا تری بالثال بنیا دی کیمپ جد کہ 1 ہزار 8 سو 1 یا تری پہلگام بنیا دی کیمپ در روانہ کیا گیا ہیں، جتوں وے آمرناٹھ گفہ در اپنو آگلو سفر شروع کریں گا۔

Rana RDSS

جنگلات تے ماحولیات اور قبائلی امور غا وزیر جا وید احمد رانا نے پونچھ ضلع مانہ تجدید شدہ تقسیم کاری سیکٹر سکیم آر ڈی ایس ایس غی عمل آوری غو سول سیکریٹریٹ جموں مانہ اک میٹنگ غے دوران تفصیلی جائزہ لیو ہے۔ میٹنگ غے دوران معیاری بجلی تقسیم کاری ڈھانچہ غی پیش رفت غا تخمینہ ور ترجیح دتی گئی۔ یوہ غور خاصکر پونچھ غا پہاڑی تے سیلاب زدہ علاقوں مانہ بجلی تقسیم کاری ٹانچہ ور کیو گیو۔ میٹنگ غے دوران وزیر موصوف نے متعلقہ عہدیداراں نانہ ہدایت کی ہے جے اس سلسلہ مانہ معیار ور کوئے سمجھتو نہیں ہونو چاہیے، تے اکیماں نانہ طے شدہ ضابطاں غے مطابق مکمل کیو جائے۔ میٹنگ غے دوران بجلی غا کھمباں، ٹرانسفارمرز تے سروس لائینز غی غیر مناسب تنصیب غا معاملوں بارے وی تفصیلی غور کیو گیو۔

MLA Jammu west Rana

جموں مغربی اسمبلی حلقہ تیں ایم ایل اے آرویند گپتا نے سول سیکریٹریٹ جموں مانہ جل شکتی محک ہ غا وزیر جا وید احمد رانا سنگ ملاقات کی ہے۔ میٹنگ غے دوران ایم ایل اے موصوف نے جناب رانا نانہ اپنا اسمبلی حلقہ غا لوکاں نانہ پانی سپلائی غا کئی معاملوں تے

مشکلات غی جانکا ری دتی۔ اُنہاں نے وزیر موصوف تیں لوکاں غی شکا ئیتاں غا بروقت آزالہ غو مطالبو کیو ۔ جناب رانا نے ایم ایل اے آرویند گپتا غی طرفوں پیش کی گئی تجویزاں ور فوری عمل درآمد کرن غو یقین دواتاں واں زور پایو جے عوامی بہبود غا اہم معاملن با رے لوکاں غی رائے بڑی اہمیت رکھے۔

CS SBM

چیف سیکریٹری آتل دلو نے جموں کشمیر مانہ سوچہ بھارت مشن گرامین غا دوجا مرحلہ تے دین دیال اُپ آدھیا گرامین کو شلیا یوجنا غو جائزو لیتاں واں زور پایو جے گراپاں مانہ ویسٹ منیجمنٹ یعنی کوڑا کرکٹ نانہ ٹھکانے لان تے کھر کھر جا غے جمع کرن با رے اعدادو شمار غی زمینی سطح ور کیا گیا کم سنگ موازنو کرن غی ضرورت ور زور پایو۔ واضح رہ جے ایس بی ایم جی سکیم غے تحت کو ئے 18 لکھ 29 ہزار رہا ئشی کھراں مانہ بیت الخلا تے ہزاراں غی تعداد مانہ جازب پٹز کوڑا کرکٹ ٹھکانے لان غی سکیم غے تحت تعمیر کیا گیا ہیں ۔ قابل ذکر ہے جے آمرناٹھ یا ترہ غے دوران 1 سو 92 میٹرک ٹن کوڑا کرکٹ وغیرہ نانہ موثر طریقہ سنگ ٹھکانے لایو گیو ہے ۔

Weather update

محکمہ موسمیات نے آئندہ 25 جولائی توڑی موسمی حالات تیں خبردار کیو ہے ۔ اِس عرصہ مانہ محکمہ نے جموں ڈویزن مانہ پہاری تیں متی پہاری بارشاں غی پیشنگوئی کی ہے ۔ آئندہ 25 جولائی توڑی وقفہ وقفہ تیں بارشاں تے آندھی طوفان سنگ پہاری بارشاں با رے خبردار کیو گیو ہے ۔ اِس عرصہ مانہ اچانک سیلاب تے پسی پین غو آندیشو ظاہر کیو جا ریو ہے ۔ تے لوکاں نانہ صلاح دتی گئی ہے جے وے نالاں ، دریا وغیرہ تیں دور رہیں۔ اِسے دوران موسم خراب رہن غی وجہ نال ریا سی تے راجو ری ضلعان مانہ تمام سرکار ی تے نجی تعلیمی اِدارا آج بند رہیں گا۔

DIPR Competition

یوم آزادی غی تقریبات غی تیاری غا اِک حصہ غا طور ور اطلاعات تے تعلقات عامہ غا محکمہ غی طرفوں لوکاں تے خاص کر طالب علماں تے نوجواناں مانہ حُب الوطنی غو جوش پیدہ کرن غی خاطر 3 آن لائن مقابلہ کرایا جا ریہا ہیں۔ یہ مقابلہ قومی ترانو گایا جان، وکست بھارت ایٹ دی ریٹ آف 2047 غا موضوع ور مضمون نویس تے اپنا مَن پسند مجاہد آزادی غی تصویر بنایا جان ور مصوری گا مقابلہ کرایا جا ریہا ہیں ۔ اِن مقابلن مانہ جتن آلاں نانہ نقد انعام تے سرٹیفکیٹ دتا جا ئیں گا۔ ڈی آئی پی آر نے شہریاں ور زور دتو ہے جے وے اِن مقابلن مانہ بدھ چڑھ غے حصو لیں۔ تے اِس سال غا یوم آزادی نانہ اپنی آواز، نظریہ، تے تخلیقی صلاحیتاں غو مظاہرہ کرتاں واں یا د گار بناویں۔ اِس با رے مکمل جانکا ری محکمہ غی سرکار ی ویب سائٹ تیں حاصل کی جا سکے۔
